

*Prins Willem van Nassau en de markgraaf Jan van Bergen-op-Zoom maken een voorloopig verdrag, als gekozen arbiters, over den Zegedijk onder Haren.*

(*Landtchaerte van Ravesteyn, Ms. v. C., fol. 168-171.*)

• *Provisioneel accoort over den Zeedyck onder Haeren in't graeffschappe van Meghen.*

Alsoo sekere quaestien unlanx leeden verresen syn geweest tuschen den doorluchtighen hochgeboornen fursten unnd hern, hern Willhelmen, hertoghe to Gulick, Cleve unnd Bergh, graeven toe der Marck unnd Ravensbergh, heren to Ravensteyn, ter einre, ende den edlen welgebooren heren Carle van Brimeu, greven van Meghen, ter andere zyden, oorspronck genomen hebbende uyt ende van den dycke, liggende in't voors. graeffschap van Meghen, streckende van den Maesdyck by de Hareusche sluyse aff,

B.

29.

langs den Harenschen Zeegdyck, zuetwartz op voor by Sebers wiel ende Berchem, soo by der caerte daer van gethoont, te sien is. Omme die welcke mit vrintschap ende in der minnelickheyt te veraccorderen ende nider to leggen, die voors. heru versocht hebben unns Wilhelm van Nassaw, prince van Orangen, ende Iohan, marquis van Berghen, te willen verstaen op 't gene dat unnsz van den einen unnd des anderen wegghen, dienende tot elx guet recht, aengegeven soude worden, ende dat wy uyt den allegatien, die wy van der einer unnd anderor zyden verstaen souden, vermoghen souden parthyen voorthouden alle middelen unnsz bedunckende eenichsints te moghen dienen, omme mit vrintschappen en. in de minnelickheyt ~~heere~~ H. G. en L. te vervorderen. Welcken last, als begerende uyt goeder affectien daer toe te verstaen, ende de voors. heeren in meerdere saecken dienst te doen, wy gerne ende flietelyck geacceptiert hebben gehadt, ende het soo sy, dat dien volgende die voors. myn heere die hertoghe binnen sekere daeghen herwarts by unnsz in deser stadt van Brussele geschickt heeft gehadt die eren-feste ende hochgelerde Iohan Lauwerman ende Rydigher Rudensheyt, rekenmeester, heyde der rechten licentiaten, omme mit hen deshalven, als synde gecommiteerde, te handelen ende te communicieren, alwaer oock in persoon gecompareert is die voors. myn heere die grave van Meghen mit synen raedt. Soo is dat, naerdien wy die voors. gecommiteerde ende grave, soo in 't particulier, als oock t'samen, te meer reysen in 't langh gehoort, ende die allegatien ende redenen van wederzyden bygebracht ende geproponiert, verstaen hebbende, wy geen middelen en hebben connen gevinden, om dieselve parthyen absolute-lyck t'appointeren, overmits wy die plaetse contentieus

noyt gesien en hebben, dan soude unnsz guet duncken, om alle goede vrientschap ende nabuyschap tuschen de voors heeren ende heere ondersaten t'onderhouden ende te voeden, die voors. heeren souden binnen drie maenden herwaertz, sonder langer vertreck, soecken, verkiesen ende constitueren tot arbiters, arbitrateurs ende minnelycke sechsluyden, eenighe personen, hen sulcke saecken verstaende ende niet partial offte suspect synde, aen den welcken huere H. G. en L. souden die voors. huere quaestien ende differentien verbliven ende uytgaen by behoorycke brieven van compromis ende submissien, in der bester ende allerstrickster offte bescheydender formen gedepescheert, als men sulcke brieven gewoonlyck is offte eenichsints soude moghen maecken ende depescheeren, om alle tokomende quaestien ende differentien t'eenemael te schouwen ende uyt te sluyten, gevende deselve volcomene ende irrevocable macht, om alle dieselve van wederzyden verstaen ende hen volcomentlyck informiert, die tilderen (1), die elck van syner zyden soude willen tot synre intentie dienende over genomen die plaetse contentieux gevisiteert, ende op alles getuegen nit suspect, mit alle andere verificatien daer to dienende, in't langhe gehoort ende overgewoghen hebbende, die selve mit einen overman offte superarbiter, by hen arbiters daer toe te nemen, indien noot waere, ten principalen te termineren ende te decideren. Doch om middeler tydt te beletten ende te schouwen alle inconuenienten en. schade, die d'ondersaten d'einden anderen souden moghen doen, offte die den einen offte den anderen mochten over commen, heeft unnsz bedocht, allen saecken well overgeleyt ende geponderiert hebbende, dat onvermindert ein iegelycke guet recht, soo ten princi-

(1) *Tilderen*, lees *titelen*.

palen in't petitoir als in possessor, ende elckelick in sijn geheel blyvende: men sall reparieren van des voors. graven weghen ende stellen in synen ouden staet den voors. Seegdyck, streckende van den voors. Maesdyck aff, langs den Harenschen Seegdyck suetwartz op tot aen Sebertz wiel, by die van Ravensteyn deurgesteken geweest synde, dat soo veel als den voors. Seberts wiel begriep ende hem extendiert, die voors. van Meghen oock die openinghe van den dyck ende waterloop daer door lopende ende gemaect, sullen moghen doen to stoppen mit ein vingerlingh, 't welck sy sullen vermoghen te doen maken ende leggen om den voors. wiel, in forme van eenen kadyck mit behoerlycke beloop van drie voeten hoogh, sonder meer, boven die gemeyne campen lants daer ontrent ofte by liggende; ende van de zuetzyden van de voors. Sebertz wiel vortz zuetwartz inne sullen die drie gaten ofte openinghen in den dyck aldaer liggende, die by die van Meghen in dit teghenwoordich iaer togedampt ofte togedyckt ende gestopt syn geweest, ende by die van Ravensteyn wederom doorgesteecken ende geopent, waer uyt dese quaestien ende geschillen hueren oorspronck genomen hebben, oock middeler tydt openblyven in sulcker diepten ende weyten, als die waeren voor ende aeler die voors. grave off de syne die hadden doen stoppen ofte todycken. Ende soude unns vortz guet beduncken, dat die voors. heeren huere officieren ende ondersaten bevelen souden, well scherpelyck het inhouden van desen in alles nae tegaen ende t'observeren, sonder daer jegens te kommen ofte te doene in eenigher manieren, ter tydt toe, [dat] dese saecken ende quaestien ten diffinitive geuyt ende geint sullen wesen, nae welcke uyttinge ende diffinitie sy luyden hen als dan sullen moghen weten, hoe te regu-

leeren. Aldus gedaen ende geadviseert by uos prince en  
marquis voorn. in der stadt van Brussel voors., ten wel  
believen ende goeden geval van de voors. heeren. Ende  
syn alle die voors. communicatie ende geproponeerde ra-  
minge geschiet onder expresse protestatie, van dat huere  
H. G. ende L. hinc inde hen daer mede niet en sullen  
moghen behelpen, in praejudicie van des einen ende des  
anderen goeden rechte, noch en sall dit ons advys sulx  
niet syn te verstaen offte t'interpretieren. T'oirconden ou-  
ser beyden namen hier onder geschreven, op den 28<sup>en</sup>  
dagh van November 1565.

GUILLAUME DE NASSAU.

IAN DE BERGHE.